

Mara enquera Nadal

Lunsch naven dil grond marcau, davos in cuolm, sesanfla in pign vitget. Cheu dat ei negins kinos, neginas fatschentas, negina halla da gimnastica. Ils habitonts avdan en casas da crap. Els possedan buca bia, ston per gronda part viver da quei che la natira porscha. Mo tuttina – e quei ei interessant – ein ils carstgauns cuntents e ventireivels. Els serimnan las sera avon in fiug e raquentan in a l'auter historias. Sch'enzatgi drova agid ein els cheu in per l'auter. Mintgaton dat ei era da sescagnar, mo quei cuoza buca ditg.

affons
vegnan
neutier e
sesan spel
fiug

Ussa manegian ins forsa ch'ei seigi tut en uorden en quei vitg. Insumma buc. Fagei quen, gest da Nadal fan ils habitonts dil vitg davos il cuolm atras il mender temps digl entir onn. Siat dis avon Nadal sesiaran ils carstgauns en lur casas e negin tschontscha pli in plaid. Ils affons astgan buca pli far termagls giuado, ei vegn fatg negins fiugs e raquintau neginas historias pli. Suenten siat dis arvan ins puspei l'escha e tut ei puspei sco avon. Per propi sa negin daco che la gliעד sedeporta gest da Nadal aschi curios.

En quei vitg viva ina pintga buobetta, la Mara. Ella ha fetg bia temperament e grondas marveglias per tut quei che marscha entuorn ella. Nadal ei per Mara in trest temps. Igl esch-casa resta serraus mo il mender ei che Mara astga dumandar nuot. Sch'ella ughegia tuttina da dumandar survegn ella per risposta:

„Quei ei adina stau aschia e perquei eisi bien“.

tuts

Perfin la tatta che ha schiglioc sin tut ina risposta sa buca gidar vinavon la buobetta.

Ella di:

„Sas Mara, cu jeu erel aschi veglia sco ti regalavan ils carstgauns da Nadal schenghetgs in a l'auter. Mo nus eran gia da gliez temps fetg paupers, perquei deva ei sescagnems e scuidonza.

Nadal fageva che tuts vegnevan malcuntents. Perquei essan nus sedecidi da star a casa davos escha serrada e schar vargar quei temps.

tatta

Denton tgei che la fiasta da Nadal ha propi da muntar sa la tatta buca pli.

Puspei eisi inaga aschi lunsch. La fiasta da Nadal stat avon porta e la damonda suenter la muntada da Nadal lai buca liber la buobetta. El lontan po Mara veser ina glisch che sclarescha il horizont da notg. Leu sesanfla il grond marcau.

„Sche zatgi sa tgei che Nadal ei, lu segir quels carstgauns che habiteschan en in aschi grond marcau“.

di Mara ed ella sedecida da prender la via sut ils peis ed ir el marcau grond per dumandar suenter la muntada dalla fiastas da Nadal. In marcau che glischa aschi grondius sa segir dar risposta sin sias damondas.

La damaun bein marvegl cu tuts dorman aunc pachetescha Mara il proviant da viadi ed ella seschluetta ord casa. Sco ils biars habitonts dil vitg ha ella aunc mai viu il marcau grond. Ella sa denton ch'igl ei sil pli pauc in marsch da dus dis tochen ch'ella ei leu.

Ei va encunter sera e Mara ei stauncla ed ha fom. Siu vitg vesa ella gia daditg buca pli ed ella patratga vid ses geniturs che vegnan a far quitaus per ella. Mara lai encrescher. Ella sesenta persula ed ei sil precinct da returnar a casa. Mo tgei lu? Ella anflass neginas rispostas sin sias damondas e tut mass puspei vinavon sco adina.

L'otra damaun cun l'alva dil di semetta Mara puspei sin viadi. Il schar encrescher, la fom ed ils dubis ein gia emblidai. Finalmein vegn ella a veser il grond marcau cun agens eglis e finalmein vegn ella a vegnir sissu il misteri dalla fiasta da Nadal.

Ella entra tras la porta dil marcau e sa buca sesmarvegliar avunda.

Cura ch'il sulegl va da rendiu ei siu vitget enzugliaus en stgiraglia. Mo tscheu e leu resplenda ina brausla glischetta.

Mo cheu tarlisch e glischa ei dapertut en biaras differentas colurs, gie aschizun ch'ei fa bunamein mal ils eglis. Gl'entir marcau para dad esser ina suletta gronda glisch e sin las vias e plazzas eisi in stermentus cunfar da glied che vegn e va.

Cheu eisi tut auter che en siu vitg. Cheu eisi clar, plein colurs e bia canera. Negin che sesiara en, negin che sezuppa. Mara gauda quella bellezza atmosfera.

Tuttenina stat ella avon in bellezza pigniel ch'ei ornaus cun ruclas e candeilas. Aunc mai ha Mara viu in semegliont bi pigniel.

Mara

va da
baselgia
ora

**Roel
ghitara**

porta
marcau

„Forsa ei Nadal ina fiasta dalla natira e sco engraziament orneschan ins il pigniel“.

Mara

di Mara

Per ussa sefa ella en ch'ella ei sin ina gronda piazza nua che la glied va vi e neu sco en in furmicler. Tuts van cun grondas tastgas e lien han ei massa pachets. Mara pren ensemen tut sia curascha ed emprova da discuorer cun enzatgi.

„Buca peda, buca peda, nus vein aunc da far diltut avon Nadal“.

glied
cun pacs
e tastgas

Dian la glied e van vinavon.

„Schei a mi, ei Nadal ina fiasta da pégnis e pigneuls?“

Mara

damonda Mara ina dunna che va sperasvi. La dunna ei buca mal surstada da quella damonda, ella ri da cor e va sperasvi.

Mara ei ussa tut trubistgada da quella canera e da tonta glied che cuora e festgina. Quei Nadal sto esser enzatgei tut special, mo tgei?

En siu vitg han las casas mo pintgas finiastras. Cheu ein las vitrinas immens grondas e leutier glischan ellas aunc. En ina u l'otra san ins schizun admirar poppas che semovan.

Mara enquera Nadal: 2 part

Avon ina vitrina stat Mara ed admira quels bials termagls. Cheu sesarva la porta
Ed il vendider vegn neuado:

Buna sera.

vendider

Mara ei tut cuntenta. Finalmein sa ella dumandar quei che fatschenta ella:

Saveis vus dir a mi tgei che Nadal ei?

Mara

di Mara tut cuntenza da saver discuorer cun enzatgi.

Naturalmein sai jeu far quei, mo neu en stizun e mira!
rispunda il vendider.

vendider

En stizun ha ei da tuttas sorts termagls.

Cheu anflas ti tut quei che ti giavischas. Manegia il vendider.

vendider

Oh, jeu enquerel mo Nadal! di Mara.

Mara

Il vendider ei surstaus dalla damonda e muossa tut ils termagls alla buoba schend:

Nadal ei la fiasta dils schenghetgs. Cumprar e vender aschi bia schenghetgs sco mo pusseivel. Tut che vul schenghetgs e mo ils pli bials.

vendider

Mara vegn tut stuorna da tut quels schenghetgs pachetai, quellas canzuns , colurs e dils plaids dil vendider. Quei fuss pia Nadal. Schenghetgs che la glied dil vitg sa buca cumprar. Carstgauns che cuoran tras il marcau e quei pauc cuntents e vntireivels. Mara giavischass dad esser anavos el vitg. Cheu eis ella tut persula. Igl ei freid, gie perfin las biaras glischs pon buca scaldar. Mara sa ussa tgei che Nadal ei, mo la risposta fa mal. Mara patratga vid ils plaids da sia tatta: “Tgi che ha damondas astga buca haver tema dallas respostas!” Propi ver ed ils vegls el vitg han tutta raschun da seserar en casa siat dis- tochen che quei temps plein preschas cun glischs che tschorventan ei vargaus. Tut stauncla e plein fom sesa Mara sin scala. Mo ella ha negins

daners per cumprar da magliar ed ella enconuscha negin el marcau.

Eis ida a piarder, buobetta?

damonda ina curiosa figura tut melna cun alas.
Igl um damonda aunc inaga:

Eis ida a piarder?

Tgi eis ti? Dat Mara per risposta.

In aungel, buca in ver. Jeu hai mo tratg en quei vestgiu perquei che jeu lavurel en quella stizun.

Mara vul raquintar sia historia, mo ella po gnanc discuorer pli. Igl um pren ella cun el en sia pintga casetta agl ur dil marcau. El trai ora siu vestgiu envida treis candeilas e fa fiug. En cuort mument bulgia ina buna suppa sil fiug .Mara ed igl um maglian senza discuorer in soli sulet plaid. La suppa gusta e strusch litgau il davos tschadun sedurmenta Mara aunc davos meisa. Mara siemia d'in aungel, d'in ver. Quel pren ella pil maun e sgola cun ella enturon il mund. Igl aungel sa rispunda a mintga damonda. Mo cu Mara damonda tgei che Nadal seigi croda ella pli e pli profund tochen ch'ella sededesta. Ella schai sin in canapé. Mara sa gl'emprem buca nua ch'ella ei. Ella sesa e mira da finiastr'o. Cheu ses igl um vegl senza resti dad aungel.

Mara va on curtgin tier el.

Vegnend vitier vesa ella ch'el fa termagls cun poppas. Mara po rir. Cheu vesa igl um Mara e di:

Has ti aunc mai viu ina stalla da Nadal?

Mara raquenta agl um sia historia. E lez raquenta cun agid dallas figuras da Nadal la historia dalla naschientscha da Jesus.

Evangelii: Lc 2,1-19

Tut ha Mara buca capiu. Ella sa denton che quella historia raquenta co il Fegl da diu ei vegnius giu sil mund sco affon da Giusep e Maria.

aungel

aungel

Mara

aungel

aungel

Quei ei aschia, mo la glied ha emblidau tgei che Nadal ei.

Buca mo tier vus el vitg , na era cheu el marcau. Nadal ei ina fiasta da natalezi. Dieus ei vegnius sco affon sil mund. Perquei lein far fiasta e selegrar da quei grond schenghetg.

di igl um vegl.

Aschia dat Mara adia agl um e semetta sin via encunter casa. Igl um ha aunc preparau in sacados cun proviant ed el schenghegia a Mara la stalla da Nadal.

Quei ei in schenghetg per che ti emblidies mai tgei che Nadal ei.

Mara va tgei ch'ella po. Ella semeina aunc duas treis ga e fa adia agl um vegl. Lez tarlischa dil plascher. La historia da Nadal accumpogna Mara sin viadi a casa. Ella sesenta buca pli aschi persula.

Turnond a casa ein aunc adina tuts serrai en en casa. Mo ses geniturs cuoran encunter ad ella.

El dian buca plaid. Els ein leds e cuntents che Mara ei turnada saunamein a casa.

Mara raquintass bugen da sias aventuras, mo igl ei aschi trest e met el vitg ch'ella quescha pli bugen.

Suenter mesa notg fui Mara aunc inaga ord casa. Quella ga cloma ella tut ils affons dil vitg. Ella muossa ad els la stalla e raquenta la historia da Nadal. Aschia audan ils affons per l'emprema ga tgei che Nadal ei propi. Ils affons ein tut ventireivels. Els fan in plan.

Aunc quella notg seschluetan ei discuss anavos en casa. Els zambregian aungnels, steilas, e da tuttas bialas caussas per decorar la stalla. Entuorn entuorn tschentan els candeilas ardentas. Ussa portan els neutier las figuras da Nadal e mettan quellas en stalla.

Igl ei tut ruasseivel e Mara raquenta la historia da Nadal als carschi. Tuts teidlan cun bucca e nas.

Canzun: Nr. 42 Ils pasturs van a cantond.....

aunghel

aunghel

*affons
contan in
bien
aunghel dai
a nus*

orgla

*canzun
affons*

Aschia ha quei pign vitg festivau Nadal. Igl ei stau ina biala fiasta.

Dapi quei di vegn Nadal puspei festivaus el vitg. Il cussegl da vischnaunca ha surdau als affons l'organisaziun dalla fiasta.

Mo enzatgei ei aunc restau. Il di avon Nadal tut che sesiara en casa.

Tut che fa quei per sepreparar sin la fiasta da Nadal e vegnir pertscharts che la fiasta da Nadal ei in schenghetg.

Avon biars onns ei naschius en ina tiara lontana in pign affon en ina stalla.